

**OTVOREN PROCES JAVNIH KONSULTACIJA  
NA NACRT SREDNJOROČNOG PLANA RADA MINISTARSTVA ZA LJUDSKA  
PRAVI I IZBJEGLICE BIH ZA PERIOD 2021.-2023. GODINA**

Ministarstvo za ljudska prava i izbjeglice Bosne i Hercegovine započinje proces javnih konsultacija na Nacrt srednjoročnog plana rada Ministarstva za ljudska prava i izbjeglice Bosne i Hercegovine za period 2021.-2023. godina. U skladu sa članom 7. Pravila za konsultacije u izradi pravnih propisa („Službeni glasnik BiH“, broj 5/17), proces javnih konsultacija je otvoren u periodu od 18.08.2020. do 02.09.2020. godine.

Pozivamo Vas da uzmete učešće u konsultacijama te svojim primjedbama, sugestijama i prijedlozima date doprinos izradi što kvalitetnijeg propisa. U konsultacijama možete učestvovati putem internetske stranice dostupne na sljedećem linku: <https://ekonsultacije.gov.ba/>.

Za one koji prvi put učestvuju potrebno je izvršiti prijavu unutar sistema eKonsultacije, koji se nalazi na sljedećem linku: <https://ekonsultacije.gov.ba/account/login> .

Nakon prijave u sistem eKonsultacije, u padajućem meniju odaberite instituciju - Ministarstvo za ljudska prava i izbjeglice Bosne i Hercegovine - kliknite stranicu „KONSULTACIJE“ i izvršite odabir Nacrt srednjoročnog plana rada Ministarstva za ljudska prava i izbjeglice Bosne i Hercegovine za period 2021.-2023. godina, a potom kliknite na prozor „UČESTVUJ“, nakon čega će Vam se otvoriti mogućnost direktnog davanja pojedinačnih prijedloga ili komentara.

Voditeljica konsultacija je Dragana Došlo, kontakt e-mail: [dragana.doslo@mhrr.gov.ba](mailto:dragana.doslo@mhrr.gov.ba)



**NACRT**

**MINISTARSTVO ZA LJUDSKA PRAVA I IZBJEGLICE BIH**

## **SREDNJOROČNI PLAN RADA**

**2021. - 2023.GODINA**

Dokument je pripremljen u skladu s Odlukom o postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 62/14) i Uputstvom o metodologiji u postupku srednjoročnog planiranja, praćenja i izvještavanja u institucijama BiH ("Službeni glasnik BiH", broj 44/15)

Sarajevo, jun 2020. godine

## SADRŽAJ

Poglavlje 1: Strateški okvir.....	3
1.2 Mandat institucije.....	3
Poglavlje 2: Vizija i Misija.....	4
2.1 Vizija.....	4
2.2 Misija.....	4
Poglavlje 3: Učesnici i partneri.....	4
Poglavlje 4: Osnovna programska opredjeljenja.....	5
4.1 Srednjoročni cilj.....	5
4.2 Specifični ciljevi.....	5
4.3 Programi i Projekti.....	5
4.4 Obrazloženje.....	6
Poglavlje 5: Resursi i kapaciteti potrebni za postizanje cilja.....	10
5.1 Predviđeni izvori finansiranja.....	10
5.2 Organizacioni kapaciteti.....	11
Poglavlje 6: Okvir za praćenje provođenja plana i evaluacija rezultata.....	11
6.1 Definisane ključne pokazatelje.....	11
6.2 Metode za prikupljanje informacija o pokazateljima.....	12
6.3 Osnovni zaključci predhodnog Izvještaja o provođenju plana rada.....	12
Poglavlje 7: Prilozi.....	12
Prilog 1: Akcioni plan Srednjoročnog plana rada Ministarstva za ljudska prava i izbjeglice BiH.....	12
Prilog 2: Pregled zakona, drugih propisa i razvojno-investicijskih projekata/programa predviđenih Srednjoročnim planom rada Ministarstva za ljudska prava i izbjeglice BiH.....	12

## Poglavlje 1: Strateški okvir

U skladu sa Strateškim okvirom za Bosnu i Hercegovinu, u okviru opštih principa razvoja, mandat Ministarstva za ljudska prava i izbjeglice BiH se odnosi na **Inkluzivni rast** kao jedan od opštih principa razvoja koji ima za cilj poduzimanje koordiniranih politika koje će osigurati značajan napredak u sprečavanju socijalne isključenosti i smanjenje siromaštva svih građana u Bosni i Hercegovini.

### Strateški cilj

U okviru opšteg principa razvoja - Inkluzivni rast, Ministarstvo za ljudska prava i izbjeglice BiH je prepoznala svoj strateški cilj **Smanjenje siromaštva i socijalne isključenosti** koji podrazumjeva principe ravnopravnosti i nediskriminacije kao sastavnih dijelova svih deklaracija o ljudskim pravima.

## 1.2. Mandat institucije

Na osnovu Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), Ministarstvo za ljudska prava i izbjeglice **nadležno** je za:

- praćenje i provođenje međunarodnih konvencija i drugih dokumenata iz oblasti ljudskih prava i osnovnih sloboda;
- promovisanje i zaštita ličnih i kolektivnih ljudskih prava i sloboda;
- koordinaciju i pripremu izvještaja nadležnim domaćim organima i institucijama i međunarodnim institucijama i organizacija o provođenju obaveza iz međunarodnih konvencija i međunarodnih dokumenata;
- kreiranje i provođenje aktivnosti na ispunjavanju obaveza BiH u pogledu prijema u evroatlantske integracije, a posebno u vezi sa primjenom Evropske konvencije o ljudskim pravima i osnovnim slobodama i njenim protokolima;
- uspostavljanje i funkcioniranje zastupnika/agenta Vijeća ministara BiH i Ureda zastupnika/agenta Vijeća ministara BiH pred Evropskim sudom za ljudska prava;
- uspostavljanje i funkcionisanje Agencije za ravnopravnost polova u BiH i staranje o ravnopravnosti polova;
- praćenje, izrada i distribuiranje informacija o standardima, ostvarenjima i aktivnostima u oblasti ljudskih prava;
- saradnja sa vjerskim zajednicama;
- saradnja sa nacionalnim manjinama i njihovim udruženjima;
- saradnja sa institucijama i organizacijama zaduženim za traženje nestalih lica u BiH;
- saradnja sa Crvenim krstom/križom BiH i Međunarodnim komitetom Crvenog krsta/križa i humanitarnim organizacijama;
- staranje o pravima i pitanjima izbjeglica u BiH nakon utvrđivanja njihovog statusa;
- briga o pravima i pitanjima izbjeglica i lica pod supsidijarnom zaštitom u BiH nakon utvrđivanja njihovog statusa;
- prihvat i zbrinjavanje, na period od 30 dana bh.državljana koji se vraćaju u Bosnu i Hercegovinu po osnovu Sporazuma o readmisiji;
- provođenje Anaksa VII Općeg okvirnog sporazuma za mir u Bosni i Hercegovini, kao i praćenje i nadzor provođenja tog Anaksa;

- kreiranje i provođenje politike BiH u oblasti povratka izbjeglica i raseljenih lica u BiH, projekata rekonstrukcije, i obezbjeđenje drugih uslova za održiv povratak;
- koordiniranje, usmjeravanje i nadzor u okviru Komisije za izbjeglice i raseljena lica, aktivnosti entiteta i drugih institucija u BiH odgovornih za provođenje politike u ovoj oblasti;
- sve ostale aktivnosti propisane Zakonom, i/ili koje se odnose na provođenje Aneksa VI i VII Opšteg okvirnog sporazuma za mir u BiH;
- sve podatke koje Ministarstvo cijeni relevantnim u skladu sa svim važećim standardima o zaštiti podataka;
- saradnja sa nevladinim sektorom po pitanjima iz nadležnosti ministarstva;
- kreiranje politike Bosne i Hercegovine prema iseljeništvu;
- prikupljanje, sistematiziranje, publikovanje i distribuiranje svih podataka iz nadležnosti ministarstva.

Ministarstvo je nadležno i za obavljanje poslova koji su u nadležnosti BiH i koji se odnose na utvrđivanje osnovnih načela koordiniranja aktivnosti, usklađivanja politika i planova organa vlasti BiH i međunarodne zajednice u oblasti: stambene politike, obnove i razvoja i projekta održivog povratka i njihovog evidentiranja.

## **Poglavlje 2: Vizija i misija**

### **2.1 Vizija**

Vizija Ministarstva za ljudska prava i izbjeglice BiH je razvijen i održiv sistem zaštite ljudskih prava svih građana Bosne i Hercegovine, osoba pod međunarodnom pravnom zaštitom i iseljništva.

### **2.2. Misija**

Misija Ministarstva za ljudska prava i izbjeglice BiH je praćenje i provođenje međunarodnih konvencija iz oblasti zaštite ljudskih prava, zaštita ličnih i kolektivnih ljudskih prava, zaštita i unapređenje ravnopravnosti polova, obezbjeđivanje uslova za rad agenata za zastupanje Vijeća ministara pred Evropskim sudom za ljudska prava, zatim kreiranje i provođenje politike u oblasti povratka izbjeglica iz drugih zemalja, raseljenih osoba u BiH, provođenje međunarodnopravne zaštite lica s priznatim statusom u BiH kao i provođenje sporazuma o readmisiji, provodjenje Aneksa VII DMS, kreiranje politike prema iseljeništvu, promocija zaštite ljudskih prava svih građana a posebno socijalno ugroženih kategorija, izbjeglih i raseljenih lica, nacionalnih manjina.

## **Poglavlje 3: Učesnici i partneri**

Ministarstvo za ljudska prava i izbjeglice BiH kontinuirano saraduje sa institucijama BiH, entitetskim ministarstvima i drugim organima/tijelima BiH, kao i sa bilateralnim donatorima, međunarodnim finansijskim institucijama i međunarodnim organizacijama.

## **Poglavlje 4: Osnovna programska opredjeljenja**

### **4.1. Srednjoročni cilj**

Poboljšan sistem zaštite ljudskih prava i razvoj odnosa Bosne i Hercegovine sa iseljeništvom

### **4.2. Specifični ciljevi**

Ministarstvo za ljudska prava i izbjeglice Bosne i Hercegovine planira ostvarenje Srednjoročnog cilja kroz sljedeće Specifične ciljeve:

- 1.     Zaštita ljudskih prava BH građana, lica pod međunarodnom pravnom zaštitom u BiH i zaštita ravnopravnosti polova u BiH**
- 2.     Zaštita prava iseljenika i razvoj odnosa BiH sa iseljeništvom**

### **4.3. Programi i Projekti**

#### **1.1.1. Zaštita ljudskih prava i ostvarivanje ravnopravnosti polova**

- 1.1.1.1     Smanjenje diskriminacije i zaštita ljudskih prava ranjive kategorije stanovništva u BiH
- 1.1.1.2     Prevenција i suzbijanje nasilja i svih oblika diskriminacije na osnovu spola

#### **1.1.2. Realizacija prava iz Aneksa VII Dejtonskog mirovnog sporazuma, pristup pravima lica pod međunarodnom pravnom zaštitom u BiH i readmisija**

- 1.1.2.1 Implementacija Aneksa VII DMS
- 1.1.2.2 Implementacija Sporazuma o readmisiji i zaštita lica pod međunarodnom pravnom zaštitom
- 1.1.2.3 Stambena politika i socijalno stanovanje

#### **1.2.1. Razvoj politika prema iseljeništvu i jačanje saradnje sa iseljeništvom**

- 1.2.1.1     Razvoj politika prema iseljeništvu
- 1.2.1.2     Jačanje saradnje BiH sa iseljeništvom

#### **4.4. Obrazloženje:**

##### **1.1.1 Zaštita ljudskih prava i ostvarivanje ravnopravnosti polova**

###### **1.1.1.1 Smanjenje diskriminacije i zaštita ljudskih prava ranjive kategorije stanovništva u BiH**

U okviru programskih i planskih aktivnosti jedna od važnijih aktivnosti vezana je za izradu i usklađivanje zakona i podzakonskih akata sa odredbama Zakona o zabrani diskriminacije, postupanje po preporukama međunarodnih tijela, pristupanju međunarodnim ugovorima, usklađivanje zakona i praksi sa međunarodnim i EU standardima, te ispunjavanje međunarodnih obaveza u pogledu izvještavanja međunarodnih tijela o provođenju međunarodnih dokumenata kojih je Bosna i Hercegovina potpisnica. Navedene aktivnosti obuhvataju i učestvovanje predstavnika BiH u međunarodnim i regionalnim aktivnostima na temu promocije i zaštite ljudskih prava, uključujući i teme u oblasti promocije, suzbijanja i zaštite od diskriminacije. U planskom periodu za 2021.-2023. godinu, uključene su i aktivnosti vezane za Srednjoročni program za suzbijanje diskriminacije u BiH koji obuhvata i Program obuka za promociju i zaštitu ljudskih prava u BiH za period 2018. – 2022.godina, izvještaj o pojavama diskriminacije u Bosni i Hercegovini u skladu sa Zakonom o zabrani diskriminacije koji uključuje i podatke o realizaciji predloženih mjera za sprečavanje i suzbijanje diskriminacije, Izvještaj o radu koordinacijskih i savjetodavnih tijela iz oblasti ljudskih prava, Izvještaj o provođenju Akcionog plana za djecu, Program obilježavanja značajnih datuma iz oblasti ljudskih prava u BiH, Sačinjavanje izvještaja po međunarodnim dokumentima u oblasti ljudskih prava, Izvještaj o prezentaciji izvještaja BiH i zaključnim zapažanjima i preporuka međunarodnih tijela, organizovanje monitoring posjeta međunarodnih tijela BiH i sačinjavanje Izvještaja vlasti BiH po preporukama i komentarima međunarodnih tijela, učestvovanje u radu stručnih tijela na međunarodnom, evropskom i regionalnom nivou, Podrška radu mješovitih komisija za realizaciju osnovnih ugovora između BiH i crkava i vjerskih zajednica, podrška radu Vijeću za djecu BiH, Odboru za Rome, saradnja sa Vjećem za nacionalne manjine BiH, saradnja sa Međureligijskim vijećem BiH, Izrada Akcionog plana za uključivanje – inkluziju Roma 2021.-2025. i izrada godišnjih izvještaja o implementaciji, izrada izvještaja o realizaciji Okvirnog Akcionog plana BiH o obrazovnim potrebama Roma, Izvještaj o utrošku grant sredstava namijenjenih realizaciji Akcionog plana za Rome, dodjela grantova za Društvo crvenog krsta/križa BiH, Međureligijsko vijeće BiH, Jevrejskoj zajednici u BiH za obilježavanje dana žrtava Holokausta, osoba sa invaliditetom, udruženjima nacionalnih manjina i druge aktivnosti vezane za rad na predstavkama i žalbama građana.

###### **1.1.1.2 Prevencija i suzbijanje nasilja i svih oblika diskriminacije na osnovu spola**

U periodu 2021.- 2023. godine, Agencija za ravnopravnost spolova BiH MLJPI BiH realizovaće aktivnosti s ciljem usklađivanja zakona i podzakonskih akata sa Zakonom o ravnopravnosti spolova u Bosni i Hercegovini. U 2021. godini planirano je usvajanje Zakona o izmjenama i dopunama Zakona o ravnopravnosti spolova u Bosni i Hercegovini s ciljem usklađivanja sa novijim EU direktivama.

Agencija će zajedno sa nadležnim institucijama nastaviti implementaciju Gender akcionog plana Bosne i Hercegovine za period 2018-2022.godine (GAP BiH), kao strateškog dokumenta za uvođenje ravnopravnosti polova u sve oblasti javnog i privatnog života, kao i Akcionog plana za implementaciju UN Rezolucije 1325 "Žene, mir i sigurnost" u Bosni i Hercegovini za period 2018.-2022. godine (AP UNSCR 1325). S obzirom da 2022. godine navedni strateški dokumenti ističu, planirana je izrada četvrte generacije ovih dokumenata.

Pored navedenog, aktivnosti u periodu 2021-2023. uključice i realizaciju i praćenje implementacije Istanbuske konvencije, UN Konvencije za eliminaciju svih oblika diskriminacije žena (CEDAW), kao i Pekinške deklaracije i Platforme za akciju.

Važan segment rada, u okviru provedbe gore navedenih strateških dokumenata će i dalje biti jačanje saradnje sa organizacijama civilnog društva i akademskom zajednicom te partnerstva na regionalnom i međunarodnom nivou, što uključuje razmjenu informacija, iskustava i dobrih praksi, kao i planiranje i provođenje zajedničkih aktivnosti i projekata.

Agencija će nastaviti koordinirati i voditi sljedeće projekata: "Jačanje kapaciteta institucija za ravnopravnost polova u oblasti rodno zasnovanog nasilja, finansiran od strane USAID-a i Program FIGAP II- finansijski mehanizam za implementaciju Gender akcionog plana u Bosni i Hercegovini, finansiran od strane švedske SIDE. Pored toga, nastaviće se saradnja sa Delegacijom Evropske Unije u BiH s ciljem ugradnje principa ravnopravnosti spolova u programe i projekte podržane iz Evropskih fondova.

### **1.1.2. Realizacija prava iz Aneksa VII Dejtonskog mirovnog sporazuma, pristup pravima lica pod međunarodnom pravnom zaštitom u BiH i readmisija**

U cilju realizacije prava iz Aneksa VII DMS-a, Ministarstvo za ljudska prava i izbjeglice BiH će nastaviti koordinirati niz aktivnosti u vezi sa obnovom i rekonstrukcijom stambenih jedinica izbjeglica iz BiH, raseljenih osoba i povratnika, elektrifikacije, obnove komunalne i socijalne infrastrukture na prostorima gdje žive raseljene osobe i povratnici, te aktivnosti na unaprijeđenju monitoringa realizacije svih projekata u funkciji povratka. Naprijed spomenute aktivnosti uključuju mnogobrojne podaktivnosti kao što su: praćenje i identifikacija stanja i potreba na terenu u oblasti povratka (obilazak terena, kontinuirani kontakti s lokalnim zajednicama i nevladinim sektorom, prikupljanje i sistematizovanje podataka), analize i pripreme materijala na osnovu kojih kojih će se donositi odluke o visini i dodjeli potrebnih sredstava, odabiru mikrolokacija/opština i korisnika, vrsti i obimu pomoći. Nakon donošenja odluka o rasporedu sredstava po iznosima i namjenama od strane Komisije za izbjeglice i raseljene osobe, Ministarstvo će raspisati javne pozive i predožiti Komisiji za izbjeglice i raseljene osobe prijedlog prioriternih projekata.

Budući da raseljene osobe i povratnici pripadaju jednoj od socijalno najugroženijih kategorija stanovništva, u cilju smanjenja siromaštva i socijalne isključenosti ove populacije, u narednom trogodišnjem periodu Ministarstvo planira uspostavljanje i razvijanje sistema



podrške u održivom povratku i re/integraciji. U narednom periodu (2021-2023), kroz implementaciju više projekata planirana je obnova/izgradnja 3.026 stambenih jedinica.

Jedan od prioriteta je izmjena pravnog okvira. Ministarstvo će 2021. godine pokrenuti aktivnosti na izradi Zakona o izmjenama i dopunama Zakona o izbjeglicama iz BiH i raseljenim osobama u BiH.

Posljednja registracija raseljenih osoba rađena je 2005. godine. S obzirom na to da je od tada prošlo 15 godina i da je došlo do značajnih promjena u broju i statusu raseljenih osoba, potrebno je u saradnji sa nadležnim entitetskim ministarstvima provesti reviziju statusa ovih osoba. Ministarstvo je pokrenulo aktivnosti na prikupljanju podataka i mapiranju potreba povratnika i raseljenih osoba. Završetkom ovih aktivnosti, Ministarstvo će imati podatke iz svih opština u BiH i dobiti jasne pokazatelje stvarnog stanja i potreba ovih ranjivih grupa i njihovih porodica u lokalnim zajednicama u BiH po svim oblastima i pravima koja su utvrđena Revidiranom strategijom za provedbu Aneksa VII DMS.

Kao i svih predhodnih godina namjera Ministarstva je da i u narednom periodu obezbijedi sredstva za finansiranje prava iz Aneksa VII DMS u svom budžetu. Ministarstvo za ljudska prava i izbjeglice BiH u skladu sa Zakonom o budžetu institucija Bosne i Hercegovine i međunarodnih obaveza Bosne i Hercegovine sa nadležnim entitetskim ministarstvima i Brčko distriktom BiH svake godine potpisuje Sporazum o udruživanju sredstava za finansiranje prava iz Aneksa VII DMS. Sredstva osigurana u budžetu Ministarstva se Odlukom o prenosu sredstava preraspoređuju na račun Fonda za povratak BiH, a o raspodjeli sredstava po iznosima i namjenama odlučuje Komisija za izbjeglice i raseljene osobe BiH.

#### **1.1.2.2. Implementacija Sporazuma o readmisiji i zaštita lica pod međunarodnopravnom zaštitom**

U skladu sa Zakonom o ministarstvima i drugim tijelima uprave u BiH i Zakonom o azilu, Ministarstvo za ljudska prava i izbjeglice BiH osigurava pristup pravima izbjeglica i stranaca pod supsidijarnom zaštitom u Bosni i Hercegovini, nakon utvrđivanja njihovog statusa. Ministarstvo za ljudska prava i izbjeglice BiH je donijelo podzakonske akte kojima se definiše način ostvarivanja prava na zdravstveno osiguranje, socijalnu pomoć, rad, obrazovanje i smještaj izbjeglica i stranaca pod supsidijarnom zaštitom u Bosni i Hercegovini. Sredstva za ostvarivanje prava izbjeglica i osoba pod supsidijarnom zaštitom u Bosni i Hercegovini i članova njihovih porodica, osiguravaju se u budžetu Ministarstva i kroz Podprojekat koji Ministarstvo za svaku budžetsku godinu potpisuje sa UNHCR-om. Ministarstvo upravlja Izbjegličko-prihvatnim centrom "Salakovac" u Mostaru, koji služi za organizovani smještaj izbjeglica i stranaca pod supsidijarnom zaštitom, koja nisu u stanju da sama osiguraju smještaj. U 2021. godini Ministarstvo će donijeti Pravilnik o integracijskim olakšicama za osobe u statusu izbjeglice u BiH i stranca u statusu supsidijarne zaštite u BiH.

#### **1.1.2.3. Stambena politika i socijalno stanovanje**

Ministarstvo je nadležno za utvrđivanje osnovnih načela koordiniranja aktivnosti, usklađivanja politika i planova organa vlasti BiH i Međunarodne zajednice u oblasti stambene

politike, obnove i razvoja. Uz odgovarajuća zakonska rješenja za pristup pravima na stanovanje izbjeglica i raseljenih lica kao jedne od najširih kategorija BiH stanovništva u potrebi za trajnim rješenjima uključujući i stambeno zbrinjavanje neophodno je provoditi aktivnosti na stambenom zbrinjavanju stanovništva u nepovoljnoj socijalnoj situaciji.

Ministarstvo koordinira provođenje projekta “Zatvaranje kolektivnih centara putem osiguranja javnih stambenih rješenja” L/D 1789 (2013), a implementaciju vrše resorna entitetska ministarstva i Odjeljenje Brčko Distrikta BiH.

### **1.2.1. Razvoj politika prema iseljeništvu i jačanje saradnje sa iseljeništvom**

U skladu sa strateškim ciljevima Politike o saradnji sa iseljeništvom Ministarstvo provodi aktivnosti na sistemskom i kvalitetnom unapređenju saradnje sa iseljenicima, za što je potrebno uključivanje institucija svih nivoa vlasti u BiH, u okviru njihove nadležnosti. Tačkom 1.2. Politike o saradnji sa iseljeništvom predviđeno je razvijanje mehanizma međuinstitucionalne koordinacije za saradnju sa iseljeništvom. Naime, u cilju uspostavljanja i unapređenja saradnje institucija na svim nivoima vlasti u BiH bit će formirano međuinstitucionalno tijelo, koje treba da uključi predstavnike nadležnih institucija na nivou BiH, vlada entiteta i Brčko Distrikta BiH kako bi zajednički putem tog tijela bila uspostavljena saradnja sa iseljeništvom.

Radi doprinosa razvoju BiH i uključivanja iseljeništva u društveno-ekonomski život, neophodno je razviti pravni okvir što podrazumijeva usvajanje strategije i pripremu zakonskog okvira kojim će se sistemski urediti pitanje odnosa i saradnje sa iseljeništvom, osigurati da kapaciteti institucija na različitim nivoima vlasti efikasno saraduju sa iseljeništvom, uspostaviti međuinstitucionalnu koordinaciju unutar BiH, jačati kapaciteta institucija u BiH za saradnju sa iseljeništvom, kao i pratiti emigracijske tokove i izvještavati o tome.

Pužanje podrške iseljeništvu i unapređenje saradnje BiH sa iseljeništvom će se realizovati kroz niz aktivnosti na jačanju kapaciteta organizacija u iseljeništvu, očuvanju maternjih jezika, kulture i identiteta, povezivanju privrednika iz iseljeništva s privrednim subjektima u BiH, unapređenju informiranja, razmjene informacija i međusobne komunikacije i podržavanju aktivnosti civilnog sektora u iseljeništvu i BiH koji doprinose jačanju veza BiH i iseljeništva.

Stvaranje uslova za veći doprinos iseljeništva razvoju BiH podrazumijeva aktivnosti na privlačenju investicionog, finansijskog, ljudskog i drugog kapitala, te njihovog promoviranja u svrhu razvoja BiH., kao i mobiliziranje ljudskih potencijala, znanja i vještina iseljeništva, ali i njihovih investicionih i finansijskih resursa.

U narednom periodu fokus rada Sektora za iseljeništvo je također intenziviranje saradnje sa mladima u iseljeništvu, njihovo međusobno umrežavanje, prijenos znanja, jačanje kapaciteta jedinica lokalne samouprave za saradnju sa iseljeništvom u cilju pružanja kvalitetnijih usluga dodjelom grant sredstava, jačanje kapaciteta drugih relevantnih institucija u BiH na različitim nivoima vlasti i unapređenje informisanja iseljeništva putem portala i društvenih mreža.

## **Poglavlje 5: Resursi i kapaciteti potrebni za postizanje cilja**

### **5.1 Predviđeni izvori finansiranja**

Troškovi koji nastaju u toku realizacije srednjoročnog plana spadaju u sljedeće osnovne kategorije: bruto plate i naknade, naknade troškova uposlenih, izdaci za materijal i usluge, tekući grantovi (transferi) i kapitalna ulaganja.

U programskom budžetu, koji je u skladu sa srednjoročnim planom, realizaciji programa može da doprinosi jedan ili više organizacijskih dijelova institucije.

U skladu s ovim principom definisana je metoda za alokaciju troškova pojedinih organizacionih dijelova za realizaciju zajedničkih programa. Ovaj model se koristi i za alokaciju troškova zajedničkih poslova, koji predstavljaju vitalne dijelove institucije, ali nisu direktno usmjereni na realizaciju programa i projekata plana.

Organizacioni dijelovi Ministarstva za ljudska prava i izbjeglice koji dodaju vrijednost svim projektima, a samim tim i programima, su sljedeći: Kabinet ministrice, Kabinet zamjenika ministrice, Kabinet sekretara Ministarstva, Sektor za opšte, pravne i finansijsko materijalne poslove, Kabinet sekretara sa posebnim zadatkom, Ured agenta i Odjeljenje interne revizije.

Za realizaciju programa i pripadajućih projekata, a u cilju implementacije postavljenog srednjoročnog i specifičnih ciljeva definisanih Srednjoročnim planom rada Ministarstva za ljudska prava i izbjeglice za period 2021-2023. godina, planirano je ukupno 33.958.000 KM sredstava iz budžeta. U ovom trogodišnjem periodu, planirano je finansiranje projekata i programa koji se finansiraju iz donatorskih izvora u iznosu 54.484.218 KM, iz kreditnih sredstava 30.089.815 KM.

### **5.2. Organizacioni kapaciteti**

Ministarstvo za ljudska prava i izbjeglice planira sredstva za 117 zaposlenih, dok je prema Pravilniku o unutrašnjoj organizaciji Ministarstva za ljudska prava i izbjeglice BiH iz 2013. godine sistematizovano 140 radnih mjesta. U narednom periodu se očekuje prilagođavanje unutrašnje organizacione strukture u svrhu optimizacije procesa i zadataka.

U projektiranom periodu (2021. – 2023.) Ministarstvo će kontinuirano raditi na jačanju i razvoju kadrovskih kapaciteta kroz redovne obuke, u organizaciji Agencije za državnu službu, i/ili specijalizovane obuke.

## **Poglavlje 6: Okvir za praćenje provođenja plana i evaluacija rezultata**

### **6.1 Definisane ključnih pokazatelja**

**Srednjoročni cilj** - Poboľšan sistem zaštite ljudskih prava i razvoj odnosa Bosne i Hercegovine sa iseljeništvom

**Pokazatelji uspjeha:**

1. Stepen implementacije važećih zakona i politika BiH o zaštiti ljudskih prava
2. Stepen implementacija politika koje se odnose ili uključuju iseljeništvo

**Pokazatelji rezultata za specifične ciljeve:**

- 1.1 Obezbjeđeni mehanizmi za zaštitu ljudskih prava BH građana i lica pod međunarodnom pravnom zaštitom i zaštita ravnopravnosti spolova u BiH
- 1.2 Obezbjeđeni mehanizmi koordinacije za ostvarivanje prava iseljenika i njihovo uključivanje u razvojne i druge procese u BiH

**6.2. Metode za prikupljanje informacija o pokazateljima**

Ministarstvo za ljudska prava i izbjeglice informacije o pokazateljima rezultata i pokazateljima uspjeha prikuplja iz svih dostupnih izvora koji su na raspolaganju. Prikupljanje podataka će se provoditi kontinuirano.

**6.3. Osnovni zaključci prethodnog Izvještaja o provođenju plana rada**

Obaveza izrade srednjoročnog plana rada institucija BiH uvedena je Odlukom o postupku srednjoročnog planiranja, praćenja i izvještavanja u institucijama BiH („Službeni glasnik BiH”, broj 62/14), a primjenjuje se od 1.1.2015. godine. Ovaj dokument predstavlja šesti Srednjoročni plan rada Ministarstva za ljudska prava i izbjeglice BiH. U izvještaju za protekli period (2018-2019) zaključeno je da je Ministarstvo za ljudska prava i izbjeglice BiH u periodu 2018.-2019. godina napravilo značajne korake u realizaciji srednjoročnog cilja „Poboľšan sistem zaštite ljudskih prava i razvoj odnosa BiH sa iseljeništvom“ kroz realizaciju svojih programskih aktivnosti. Intenzivirane su projektne i programske aktivnosti na realizaciji Revidirane strategije za realizaciju Aneksa VII Opšteg okvirnog sporazuma za mir što sve skupa utiče na realizaciju strateškog cilja „Smanjiti siromaštvo i socijalnu isključenost“. U Mišljenju Komisije o zahtjevu Bosne i Hercegovine za članstvo u Evropskoj uniji iz 2019. godine, navodi se da je zakonodavni i institucionalni okvir o osnovnim pravima u velikoj mjeri uspostavljen te da ga je potrebno u potpunosti implementirati i znatno poboljšati usklađivanjem zakonodavstva u cijeloj zemlji i usklađivanjem sa evropskim standardima, jačanjem administrativnih kapaciteta i obezbjeđivanjem adekvatnih resursa za djelotvorno provođenje osnovnih prava.

Ministarstvo za ljudska prava i izbjeglice BiH će u narednom periodu raditi na razvijanju mehanizma međunacionalne koordinacije za saradnju sa iseljeništvom kao i jačanju saradnju sa Entitetima BiH u pogledu usaglašavanja zakonskih rješenja, edukaciji zaposlenih u cilju nesmetane realizacije programskih aktivnosti Ministarstva.

**Poglavlje 7: Prilozi**

**Prilog 1:** Akcioni plan Srednjoročnog plana rada Ministarstva za ljudska prava i izbjeglice BiH

**Prilog 2:** Pregled zakona, drugih propisa i razvojno-investicijskih projekata/programa predviđenih Srednjoročnim planom rada Ministarstva za ljudska prava i izbjeglice BiH.

**PREGLED ZAKONA, DRUGIH PROPISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROCNIM PROGRAMOM RADA VIJEĆA**

Opći cilj / principi razvoja:		Inkluzivni rast						
Strateški cilj:		Smanjiti siromaštvo i socijalnu isključenost						
1	2	3	4	5	6	7	8	
Srednjoročni cilj	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE	
		Zakon o izmjenama i dopunama Zakona o ravnopravnosti spolova u BiH		DA (Direktiva 2010/41/EU Evropskog parlamenta i Direktiva Vijeća 2010/18/EU)	2021			
		Zakon o izmjenama i dopunama Zakona o Ombudsmenu za ljudska prava		DA	2021			
			Odluka o kriterijima za dodjelu grant sredstava		NE			2021-2023
			Odluka o dodjeli grant sredstava		NE			2021-2023
			Odluka o usvajanju Akcionog plana za implementaciju UN Rezolucije 1325 u BiH 2023-2026		NE			2023
			Odluka o usvajanju Gender akcionog plana BiH 2023-2026		NE			2023
			Zakon o izmjenama i dopunama Zakona o izbjeglicama iz BiH i raseljenim osobama u BiH					NE

Program 1.2. Realizacija prava iz Aneksa VII Dejtonskog mirovnog sporazuma, pristup pravima lica pod međunarodn om zaštitom u BiH i readmisija						
		Odluka o raspodjeli Grant sredstava za podršku opštinama, uključenim u sistem prihvata i integracije bh državljana koji se vraćaju po osnovu sporazuma o readmisiji	NE	2021-2023	Zatvaranje kolektivnih smještaja i i alternativnih smještaja putem osiguranja javnih stambenih rješenja <b>CEB II-IBIH-MLJPI 1</b> ;Projekat rekonstrukcije stambenog fonda iz sredstava zajma od Saudijskog fonda za međunarodni razvoj <b>SFD-IBIHMLJPI-2</b> ; Državni projekat stambenog zbrinjavanja u okviru regionalnog stambenog programa <b>IBIHMLJPI-5</b>	2021-2022
		Odluka o preraspodjeli sredstava iz budžeta Ministarstva za ljudska prava i izbjeglice BiH u budžet Fonda za povratak BiH (za 2021., 2022. i 2023. godinu) - grant "Finansiranje prava iz Aneksa VII Dejtonskog mirovnog sporazuma" u iznosu od 2.000.000,00 KM (na osnovu Sporazuma o udruživanju sredstava za finansiranje prava iz Aneksa VII DMS)	NE	2021-2023		
		Odluka o dodjeli priznanja iseljenicima i organizacijama iseljenika iz BiH	NE	2021;2023		